

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XLV.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

XLIV.

Sal. in Servatore. Reverende & clarissime Dn. Doctor, amice & frater plurimum colende.

Nondum quidem ex fratre, D. D. Erasmo, intellexi, quæ de conventu Erfordiano scripsisti: sed convenimus post meridiem. Nunc quia properare dicitur tabellarius, breviter respondeo. Ago autem tibi reverenter gratias, quod & illa fidei meæ committas, de qua non dubitabis, & quod fratris periti, utinam terribis respicientis, curam tam amicè suscipis. Non vacavit nunc ad eum scribere, mitto tamen florenos duos, quos in usus necessarios exponas pro eo; de reliquis curæ mihi erit, & respondebo ei, cum primùm certi aliquid constituerò. De rebus Ecclesiæ & Scholæ nostræ quod scribam, non habeo: videntur quidem Sturmiani monstri aliquid alere, sed quando, aut quomodo parituri sint, nondum apparet. Hoc unum ego doleo, & abominor, quod sermones nullos fieri audio de castigandis iis Professoribus, qui novo Rectori fidem suam astringere recusarunt. Quamdiu enim hoc illis conceditur, facile est æstimare, quomodo domesticos suos, & alios studiosos instituant. Sed & hoc emendari fortasse poterit, modo & ratione, quam adhuc ignoramus. Reverendis D. Collegis tuis, ac imprimis Cl. Dn. Doct. Kirchnero, salut. observant. meæ erga illum testem, reverenter ascribo. Si fratri Petro impetrari posse stipendium aliquod arbitrarer, fortassis circa finem mensis sequentis ad vos excurrerem. Benè in DOMINO vale, Vir Clariss. & frater reverende, Argentorato, 3. Cal. Febr. 1582.

Tuus frater in DOMINO

Joh. Pappus.

XLV.

Salutem in Servatore Christo, Reverende & clarissime

D. Doctor, Domine, amice & frater charissime.

Paulò post quàm ad te nuper scripsissem, accepi à D. Doct. Erasmo narrationem de conventu Erfordiano, & vestram de Apologia illic adornata sententiam. Gaudeo equidem, & æterno DEO, pro hoc etiam beneficio, gratias ago, ipsamque methodum, si quid judicare possum, vehementer probo, modo Sturmii non perfunctoria fiat mentio, idque propter titulos maxime Antipapporum, quibus proficitur, se exterarum Ecclesiarum causam agere. Sed ineptus ego, qui noctuas, quod ajunt, Athenas. Tubinga nunciatur, D. Jacobum Andreae peculiari scripto An-

N N N N

hal-

haldinis respondere, & historiam quoq; itineris sui, quam in Academia mense Decembri publicè habuit, editurum esse, quod tamen utrunque, an cerò futurum sit, ignoro. Bremensium scriptum nondum vidi: audio ibi esse Widebramum, & ex deportatis Witebergensibus unum, aut alterum præterea; qui si autores sunt illius scripti, impietatem suam sine dubio manifestiorem reddent. Nostri rebus omnibus perfuncti sibi videntur, exautorato Sturmio: de subscriptione Libri Concordiæ vix sustinent audire amplius. De Comitibus alium adhuc apud nos silentium; vix autem futurum puto, ut non rationem à nostris exposcant Status Augustanz Confectionis, cur tamdiu Antipappos toleraverint. Quanquam noster Senex & Antiquus Rector contra Doct. Jacobum adhuc scribere dicitur. De Petro expecto propediem sententiam fratrum & cognatorum; si ad ingenium rediret, quod nollem, confido, te id me non clam habiturum esse. D. M. Ulrico fratri chariss. sal. plur. ascribo. Henricus iste Johannes Holsatus vir optimus est, & mei studiosissimus, neque, ut puto, M. Ulrico ignotus. Eum humanitati tuæ commendo. Bene in DOMINO, reverende & Cl. D. Doctor, amice & frater chariss. vale. Argentorato, 23. Febr. 1582.

Tuus in Domino frater

Joh. Pappus, D.



XLVI.

S. D. Reverende & clarissime vir, compater carissime.

Toto ferè semestri nullas à te literas habui, nec de Ecclesiæ & Academiæ in patria tua statu cognovi. Quæso igitur, ut ad pristinam scribendi assiduitatem redeas, & Davidem Razium, discipulum tuum, hortaris, ut non solum exercendi studii, verum etiam humanitatis causa nullam literas ad nos mittendi occasionem prætermittat & de matris valerudine, de fratribus, sorore Maria, & de Wormatiensi Ecclesia me doceat. Mitto Epistolam Constantinopoli recens allatam, & de Russorum ac Tartarorum Religione & moribus libellum, ut tua eruditiora & suaviora vicissim eliciam. Bene vale. Rostochii pridie Nonas Martii, Anno 1582.

David Chytræus.

XLVII.